

## 6-§. Ikkinchi darajali taqqoslamalar va Lejandr simvoli.

**1. Ikkinchi darajali taqqoslamalar va ularning ikki noma'lumli ikkinchi darajali aniqmas tenglamalar bilan bog'liqligi.** Ikkinchi darajali taqqoslamaning umumiy ko'rinishi

$$Ax^2 + Bx + C \equiv 0 \pmod{M} \quad (1)$$

dan iborat. Bu ushbu ikki noma'lumli aniqmas tenglama

$$Ax^2 + Bx + C = My \quad (2)$$

ga teng kuchli. (1) ko'rinishdagi taqqoslamani yechishga ikkinchi darajali ikki noma'lumli aniqmas tenglamaning umumiy holi

$$ax^2 + 2bxy + cy^2 + 2dx + 2ey + f = 0$$

ham keltiriladi. Buni yechish esa o'z navbatida Pell tenglamasi  $x^2 - ay^2 = c$  ning yechimi bilan ham bog'liqdir.

**2. Ikki hadli taqqoslamaga keltirish.** (1) ni hamma vaqt

$$x^2 \equiv a \pmod{m} \quad (3)$$

ko'rinishga keltirish mumkin. Buni quyidagicha amalga oshiriladi. (1) ning ikkala tomonini  $4A$  ga ko'paytiramiz (modulini ham)

$$4A^2x^2 + 4ABx + 4AC \equiv 0 \pmod{4AM}. \quad (4)$$

(4) dan

$$(2Ax + B)^2 \equiv B^2 - 4AC \pmod{4AM}.$$

Bu yerda  $y = 2Ax + B$ ,  $D = B^2 - 4AC$  deb olsak,  $y^2 \equiv D \pmod{4AM}$  hosil bo'ladi.

Agar (3) taqqoslamada  $(a, m) = 1$  bo'lib, u yechimga ega bo'lsa,  $a$  ga  $m$  moduli bo'yicha *kvadratik chegirma*, agar yechimga ega bo'lmasa, *kvadratik chegirma emas* deyiladi. Shuningdek, agar  $x^n \equiv a \pmod{m}$ ,  $(a, m) = 1$  taqqoslama yechimga ega bo'lsa,  $a$  ga  $n$  – *darajali chegirma*, aks holda esa  $a$  ga  $m$  moduli bo'yicha *n-darajali chegirma emas* deb ataladi.

(3) taqqoslamani yechish umumiy holda

1)  $x^2 \equiv a \pmod{p}$ ,  $p > 2$ ;      2)  $x^2 \equiv a \pmod{p^\alpha}$ ,  $\alpha > 1$ ;      3)  $x^2 \equiv a \pmod{2^\alpha}$ ,  $\alpha > 1$ .  
taqqoslamalarni yechishga keltiriladi.

**3. Yechimlari soni. Tanlash yo'li bilan yechimlarini topish. Kvadratik chegirmalar soni.** Ushbu

$$x^2 \equiv a \pmod{p}, \quad p > 2 \quad (5)$$

taqqoslama berilgan bo'lsin. Agar  $p \nmid a$  bo'lsa, trivial hol bo'ladi, ya'ni  $x \equiv 0 \pmod{p}$ . Shuning uchun ham  $x \equiv x_1 \pmod{p}$  deb hisoblaymiz. Tushunarliki, agar  $x \equiv x_1 \pmod{p}$  (5) ning yechimi bo'lsa,  $x \equiv -x_1 \pmod{p}$  ham (5) ning yechimi bo'ladi.  $x \equiv -x_1 \pmod{p}$  dan  $2x_1 \equiv 0 \pmod{p}$  va  $p > 2 \Rightarrow x_1 \equiv 0 \pmod{p}$  kelib chiqadi, u holda  $(a, p) = 1$  ga ziddir. Shunday qilib (5) yechimga ega bo'lsa, u 2 ta har xil yechimga ega bo'lar ekan. (5) yechimlarini tanlash usuli bilan topish jarayoni umumiy holga nisbatan ancha sodda. Bu yerda biz  $p$  moduli chegirmalarning keltirilgan sistemasini absolyut qiymati jihatidan eng kichik sistema ko'rinishda yozib olib,

$$\pm 1, \pm 2, \dots, \pm \frac{p-1}{2} \quad (6)$$

musbat va manfiy chegirmalarning (5) ni qanoatlantirish yoki qanoatlantirmasligini bir vaqtda tekshirishimiz mumkin. Shuning uchun ham (5) da  $x$  ning o'rniga

$$1, 2, 3, \dots, \frac{p-1}{2}$$

larni qo'yib tekshirish yetarli. Bunda chap tomonda:

$$1^2, 2^2, \dots, \left(\frac{p-1}{2}\right)^2 \quad (7)$$

hosil bo'ladi. Bulardan birortasi, masalan  $k^2$  soni  $a$  bilan  $\text{mod } p$  bo'yicha taqqoslanuvchi bo'lsa, u holda  $x \equiv \pm k \pmod{p}$  ga ega bo'lamiz. Shu bilan birga faqat  $a \pmod{p}$  bo'yicha (7) da birorta son bilan taqqoslanuvchi bo'lgan (5) ko'rinishdagi taqqoslamalargina yechimga ega. Boshqacha so'z bilan aytganda (7) da  $\text{mod } p$  bo'yicha kvadratik chegirmalar yozilgan. Ularning barchasi har xil sinflarga tegishli. Haqiqatan ham, agar

$$1 \leq k < l \leq \frac{p-1}{2} \quad \text{bo'lib,} \quad k^2 \equiv l^2 \pmod{p} \quad \text{bo'lsa,} \quad \text{u holda} \quad (5) \quad 4 \quad \text{ta}$$

$x \equiv \pm k \Rightarrow x \equiv \pm l \pmod{p}$  yechimga ega bo'ladi. Buning bo'lishi mumkin emas. Shunday qilib,  $\text{mod } p$  bo'yicha kvadratik chegirmalar soni  $\frac{p-1}{2}$  ga teng va shuning uchun ham kvadratik chegirma emaslar son soni ham  $\frac{p-1}{2}$  ga teng bo'ladi.

**4. Eyler kriteriyasi.** (5) ning yechimga ega yoki ega emasligini aniqlash uchun Eyler tomonidan taklif etilgan ushbu kriteriyadan foydalanish qulay: Agar  $a$  oni  $\text{mod } p$  bo'yicha kvadratik chegirma bo'lsa,  $a^{\frac{p-1}{2}} \equiv 1 \pmod{p}$  bo'ladi. Agar  $a$  soni  $\text{mod } p$  bo'yicha kvadratik chegirma bo'lmasa, u holda  $a^{\frac{p-1}{2}} \equiv -1 \pmod{p}$  bo'ladi. Haqiqatdan ham, agar  $(a, p) = 1$  va  $(a, 2) = 1$  bo'lsa,  $a^{p-1} \equiv 1 \pmod{p}$  bo'ladi (Ferma teoremasi). Bundan  $a^{p-1} - 1 \equiv 0 \pmod{p}$  yoki  $\left(a^{\frac{p-1}{2}} - 1\right) \left(a^{\frac{p-1}{2}} + 1\right) \equiv 0 \pmod{p}$ .

Bu yerda bu qavslarning hech bo'lmasa birortasi  $p$  ga bo'linishi kerak. Ularning ikkalasi bir vaqtda  $p$  ga bo'linmaydi, aks holda ularning ayirmasi 2 ga ham  $p$  ga bo'linar edi, lekin  $p > 2$

Agar  $a$  kvadratik chegirma bo'lsa,

$$a^{\frac{p-1}{2}} \equiv 1 \pmod{p} \quad (8)$$

bajariladi. Bu yerdan agar  $a \pmod{p}$  bo'yicha kvadratik chegirma emas bo'lsa, u holda

$$a^{\frac{p-1}{2}} \equiv -1 \pmod{p} \quad \text{bajariladi.}$$

**5. Lejandr simvoli va uning xossalari.**  $a$  sonining  $p$  moduli bo'yicha kvadratik chegirma yoki chegirma emasligini aniqlashda Eyler kriteriyasidan foydalanish  $p$  katta bo'lsa, uncha ham qulay emas. Shuning uchun Lejandr simvoli  $\left(\frac{a}{p}\right)$  qo'llaniladi.

U quyidagicha aniqlanadi:

$$\left(\frac{a}{p}\right) = \begin{cases} 1, & \text{agar } a \text{ soni mod } p \text{ bo'yicha kvadratik chegirma bo'lsa;} \\ -1, & \text{agar } a \text{ soni mod } p \text{ bo'yicha kvadratik chegirma bo'lmasa.} \end{cases}$$

Lejandr simvoli ta'rifidan va Eyler kriteriyasidan

$$a^{\frac{p-1}{2}} \equiv \left(\frac{a}{p}\right) \pmod{p} \quad (9)$$

kelib chiqadi. Lejandr simvoli quyidagi xossalarga ega.

$$1^0. \text{ Agar } a \equiv a_1 \pmod{p} \text{ bo'lsa, } \left(\frac{a}{p}\right) = \left(\frac{a_1}{p}\right) \text{ bo'ladi. Bundan } \left(\frac{a}{p}\right) = \left(\frac{a+pt}{p}\right), \quad t \in \mathbb{Z}.$$

$$2^0. \left(\frac{1}{p}\right) = 1, \quad 3^0. \left(\frac{-1}{p}\right) = (-1)^{\frac{p-1}{2}}, \quad 4^0. \left(\frac{a \cdot b}{p}\right) = \left(\frac{a}{p}\right) \cdot \left(\frac{b}{p}\right), \quad 5^0. \left(\frac{2}{p}\right) = (-1)^{\frac{p^2-1}{8}},$$

$$6^0. \left(\frac{p}{q}\right) = (-1)^{\frac{p-1}{2} \cdot \frac{q-1}{2}} \left(\frac{q}{p}\right).$$

Lejandr simvolining qiymatini shu xossalardan foydalanib hisoblash mumkin.  $6^0$  – xossaga kvadratik chegirmalarning o'zgalik qonuni deyiladi.

**292.** Berilgan taqqoslamalarni ikkihadli taqqoslama ko'rinishiga keltirib, keyin yeching:

- 1)  $2x^2 + 4x - 1 \equiv 0 \pmod{5}$ ; 2)  $3x^2 + 2x \equiv 1 \pmod{7}$ ;
- 3)  $2x^2 - 2x - 1 \equiv 0 \pmod{7}$ ; 4)  $3x^2 - x \equiv 0 \pmod{5}$ ; 5)  $3x^2 + 7x + 8 \equiv 0 \pmod{17}$ ;
- 6)  $3x^2 + 4x + 7 \equiv 0 \pmod{31}$ ; 7)  $4x^2 - 11x - 3 \equiv 0 \pmod{13}$ ;
- 8)  $x^2 - 5x + 6 \equiv 0 \pmod{24}$ .

**293.**  $x$  ning qanday natural qiymatlarida quyidagi funksiyalar butun qiymat qabul qiladi:

$$1) \frac{x^2 + 2x + 7}{55}; \quad 2) \frac{x^2 + 3x + 1}{25}; \quad 3) \frac{x^2 + 3x + 5}{15}.$$

**294.a).** Eyler kriteriyasidan foydalanib, 7 moduli bo'yicha eng kichik musbat chegirmalarning keltirilgan sistemasida qaysi sonlar shu modul bo'yicha kvadratik chegirma bo'ladi.

b). 17 moduli bo'yicha eng kichik musbat kvadratik chegirmalarni aniqlang.

**295.** Eyler kriteriyasidan foydalanib, quyidagi modullar bo'yicha kvadratik chegirma sinflarini aniqlang: 1) 11; 2) 13; 3) 17.

**296.** Quyidagi taqqoslamalarni berilgan modul bo'yicha absolyut qiymati jihatidan eng kichik (noldan boshqa) chegirmalarni sinab ko'rish yo'li bilan yeching:

1)  $x^2 \equiv 2 \pmod{7}$ ; 2)  $x^2 \equiv 4 \pmod{7}$ ; 3)  $x^2 \equiv 3 \pmod{7}$ ; 4)  $x^2 \equiv 3 \pmod{13}$ ; 5)  $x^2 \equiv 4 \pmod{11}$ .

**297.** Lejandr simvolining qiymatini hisoblang:

1)  $\left(\frac{63}{131}\right)$ ; 2)  $\left(\frac{35}{97}\right)$ ; 3)  $\left(\frac{47}{73}\right)$ ; 4)  $\left(\frac{29}{383}\right)$ ; 5)  $\left(\frac{241}{593}\right)$ ; 6)  $\left(\frac{257}{571}\right)$ ; 7)  $\left(\frac{251}{577}\right)$ ; 8)  $\left(\frac{342}{677}\right)$ .

**298.** Lejandr simvolidan foydalanib, quyidagi taqqoslamalardan qaysilari yechimga ega ekanligini aniqlang va yechimlarini toping:

1)  $x^2 \equiv 6 \pmod{7}$ ; 2)  $x^2 \equiv 3 \pmod{11}$ ; 3)  $x^2 \equiv 12 \pmod{13}$ ; 4)  $x^2 \equiv 3 \pmod{13}$ ;  
5)  $x^2 \equiv 5 \pmod{11}$ ; 6)  $x^2 \equiv 13 \pmod{17}$ ; 7)  $x^2 \equiv 7 \pmod{19}$ ; 8)  $x^2 \equiv 5 \pmod{17}$ .

**299.** Berilgan taqqoslamalar yechimga ega bo'ladigan  $a$  ning qiymatini toping:

1)  $x^2 \equiv a \pmod{5}$ ; 2)  $x^2 \equiv a \pmod{7}$ ; 3)  $x^2 \equiv a \pmod{11}$ ;  
4)  $x^2 \equiv a \pmod{13}$ ; 5)  $x^2 \equiv 5 \pmod{3}$ .

**300.**  $x^2 + 1 \equiv 0 \pmod{p}$  taqqoslama modulning  $p = 4n + 1, (n = 1, 2, 3, \dots)$  qiymatida va faqat shundagina yechimga ega ekanligini isbotlang.

**301.**  $(a, b) = 1$  bo'lganda  $a^2 + b^2$  ko'rinishdagi sonning kanonik yoyilmasida faqat  $p = 4n + 1, (n = 1, 2, 3, \dots)$  ko'rinishdagi tub sonlar qatnashishini isbotlang.

**302.** Ikki ketma-ket butun sonning ko'paytmasining 13 moduli bo'yicha 1 bilan taqqoslanuvchi bo'lmasligini isbotlang.

**303.**  $a$  ning  $x(x+1) \equiv a \pmod{13}$  taqqoslama yechimga ega bo'ladigan barcha qiymatlarini toping.

**304.** 300-masaladan foydalanib  $p = 4n + 1, (n = 1, 2, 3, \dots)$  ko'rinishdagi tub sonlar sonining cheksiz ko'p ekanligini isbotlang.

**305.** Tenglamalarni butun sonlarda yeching (quyidagi egri chiziqlarda yotuvchi butun koordinatali nuqtalarni toping): 1)  $4x^2 - 5y = 6$ ; 2)  $11y = 5x^2 - 7$ ;

3)  $x^2 - 10x - 11y + 5 = 0$ ; 4)  $x^2 - 21x + 110 = 13y$ ; 5)  $15x^2 - 7y^2 = 9$ .

**306.** Berilgan sonlar kvadratik chegirma(chegirma emas) bo'lgan modullarni toping: 1)  $a = 5$ ; 2)  $a = -3$ ; 3)  $a = 3$ ; 4)  $a = 2$ ; 5)  $a = -7$ .

**307.** Berilgan taqqoslamalar yechimga ega bo'lgan barcha toq tub modullarni toping:

1).  $x(x+1) \equiv 1 \pmod{p}$ ; 2).  $x(x-1) \equiv 2 \pmod{p}$ ; 3).  $x(x-1) \equiv 3 \pmod{p}$ .

**308.** Lejandr simvolidan foydalanib, quyidagi taqqoslamalar modul  $p > 2$  ning qiymatiga bog'liq bo'lmagan yechimga ega ekanligini isbotlang:

$$1) (x^2 - 13)(x^2 - 17)(x^2 - 221) \equiv 0 \pmod{p};$$

$$2) (x^2 - 3)(x^2 - 5)(x^2 - 7)(x^2 - 11)(x^2 - 1155) \equiv 0 \pmod{p}.$$